



Број/ Број: 02/2-50-1-23-37/10

Сарајево/Sarajevo, 12.1.2010.

Na osnovu člana 35. stava (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 91/06 i 91/07), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

IZVJEŠTAJ O RADU

(za period od 1.1.2009. do 31.12.2009.)

I. OPĆE ODREDBE O KOMISIJI

U periodu od 1.1.2009. do 31.12.2009. osnovni cilj rada Komisije bio je da osigura kvalitetnu pripremu rada Doma i što bolje i efikasnije funkcioniranje Doma naroda, a time i Parlamentarne skupštine BiH, kroz provođenje općih opredjeljenja zacrtanih Ustavom BiH i Dejtonskim mirovnim sporazumom, te politikom koju je utvrdilo Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 27. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike utvrđene od Predsjedništva BiH i Vijeća ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH, kompetentnim za pitanja vanjskih poslova i međunarodnih odnosa;

- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

Kako je predviđeno Odjeljkom D. (Opće odredbe o komisijama), članom 31. stav (1) Poslovnika Doma naroda Parlamentarne skupštine BiH: “Komisija nema više od šest članova. Preraspodjela mjesta mora biti srazmjerna klubovima naroda u Domu, od kojih su dvije trećine članova izabrane s teritorije Federacije BiH, a jedna trećina s teritorije Republike Srpske“.

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda tokom 2009. godine bili su: Alma Čolo, predsjedavajuća Komisije, Rudo Vidović, prvi zamjenik predsjedavajuće Komisije (od 1.1.2009. do 24.6.2009. godine), Božo Ljubić, prvi zamjenik predsjedavajuće (od 28.7. do 31.12.2009.), Dušanka Majkić, druga zamjenica predsjedavajuće Komisije, Adem Ibrahimpašić, Branko Zrno i Slobodan Šaraba.

Sjednicu Komisije saziva predsjedavajuća Komisije, u skladu s članom 38. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajuća Komisije, u saradnji s njenim sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomijerati rokove za razmatranje pitanja iz plana, zavisno od vremena dospijevanja materijala od nadležnih institucija, s osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije na sjednicama, mogu se vidjeti u tabelarnom prikazu (prilog).

Zavisno od dnevnog reda odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavbe pitanje vezano za materijal o kojem se raspravlja.

Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U svome radu, Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH imala je priliku saradivati s Komisijom za vanjske poslove, Komisijom za vanjsku trgovinu i carine i Komisijom za saobraćaj i komunikacije Predstavničkog doma Parlamentarne skupštine BiH i Vijećem ministara BiH, odnosno ministarstvima na državnom nivou. Međutim, potrebno je naglasiti i činjenicu da ministarstva nisu uvijek pravovremeno ispunjavala svoje obaveze i dužnosti, što se najbolje vidi iz njihovog praćenja sjednica Komisije za vanjsku i trgovinsku politiku, carine, saobraćaj i komunikacije, te pružanja adekvatnih odgovora i dostavljanja traženih informacija.

Komisija je u izvještajnom periodu održala ukupno 16 sjednica:

– 21. sjednica	22. januar	23 tačke dnevnog reda
– 22. sjednica	9. februar	6 tačaka dnevnog reda
– 23. sjednica	18. februar	16 tačaka dnevnog reda
– 24. sjednica	25. mart	16 tačaka dnevnog reda
– 25. sjednica	15. april	20 tačaka dnevnog reda
– 26. sjednica	18. maj	13 tačaka dnevnog reda
– 27. sjednica	11. juni	18 tačaka dnevnog reda
– 28. sjednica	9. juli	25 tačaka dnevnog reda
– 29. sjednica	22. juli	11 tačaka dnevnog reda
– 30. sjednica	24. juli	2 tačke dnevnog reda
– 31. sjednica	9. septembar	7 tačaka dnevnog reda
– 32. sjednica	24. septembar	10 tačaka dnevnog reda
– 33. sjednica	13. oktobar	15 tačaka dnevnog reda
– 34. sjednica	10. novembar	9 tačaka dnevnog reda
– 35. sjednica	9. decembar	7 tačaka dnevnog reda
– 36. sjednica	22. decembar	8 tačaka dnevnog reda

Na redovnim sjednicama Komisije razmatrano je ukupno 206 tačaka dnevnog reda, što je u prosjeku 13 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su članovima 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. U Uredu sekretara zaposlena sa dva državna službenika: sekretar komisije (Nenad Pandurević) i stručni saradnik (Dobrinka Savić).

II. AKTIVNOSTI KOMISIJE

1. Prijedlozi zakona

U 2009. godini Komisija je razmatrala ukupno 14 prijedloga zakona.

Deset prijedloga zakona razmatrani su i u prvoj i u drugoj komisijskoj fazi i nakon toga usvojeni u Domu naroda, dok je jedan prijedlog zakona razmatran u prvoj komisijskoj fazi:

1. Prijedlog zakona o zrakoplovstvu BiH (prva i druga komisijska faza), predlagač: Vijeće ministara BiH
2. Prijedlog zakona o Agenciji za pružanje usluga u zračnoj plovidbi BiH (prva i druga komisijska faza), predlagač: Vijeće ministara BiH
3. Prijedlog zakona o dopuni Zakona o Javnom RTV sistemu BiH (druga komisijska faza), predlagač: Vijeće ministara BiH
4. Prijedlog zakona o dopuni Zakona o carinskoj tarifi BiH (prva i druga komisijska faza), predlagač: Vijeće ministara BiH
5. Prijedlog zakona o zaštiti domaće proizvodnje u okviru Sporazuma CEFTA (prva i druga komisijska faza), predlagač: Predstavnički dom PSBiH
6. Prijedlog zakona o izmjenama i dopunama Zakona o konkurenciji (prva i druga komisijska faza), predlagač: Vijeće ministara BiH
7. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH (prva i druga komisijska faza), predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine BiH
8. Prijedlog zakona o slobodnim zonama u BiH (prva i druga komisijska faza), predlagač: Vijeće ministara BiH
9. Prijedlog zakona o općoj sigurnosti proizvoda (prva i druga komisijska faza), predlagač: Vijeće ministara BiH;
10. Prijedlog zakona o izmjenama i dopunama Zakona o nadzoru nad tržištem u BiH (prva i druga komisijska faza), predlagač: Vijeće ministara BiH
11. Prijedlog zakona o duhanu BiH (prva komisijska faza), predlagač: Vijeće ministara BiH.

Komisija je razmatrala i tri prijedloga zakona samo u prvoj komisijskoj fazi, jer je procedura za ove prijedloge zakona obustavljena zbog njihovog odbijanja u Predstavničkom domu:

1. Prijedlog zakona o Agenciji za razvoj informacionog društva BiH - ZARID (prva komisijska faza), predlagač: Vijeće ministara BiH
2. Prijedlog zakona o postupku zaključivanja i izvršavanja međunarodnih ugovora (prva komisijska faza), predlagač: Vijeće ministara BiH
3. Prijedlog zakona o poštama BiH (prva komisijska faza), predlagač: Vijeće ministara BiH.

Za sve prijedloge zakona tokom razmatranja u prvoj komisijskoj fazi pribavljena su mišljenja Direkcije za evropske integracije BiH u skladu s članom 98. Poslovnika Doma naroda Parlamentarne skupštine BiH.

Za sve prijedloge zakona razmatrane u prvoj komisijskoj fazi izrađena su i dostavljena Domu naroda mišljenja, a za sve prijedloge zakona razmatrane u drugoj komisijskoj fazi izrađeni su i Domu naroda pravovremeno dostavljeni izvještaji.

Za sve prijedloge zakona čiji predlagač nije Vijeće ministara BiH, pribavljena su mišljenja Vijeća ministara BiH.

Za sve zakone razmatrane u drugom čitanju pravovremeno su obavljene sve aktivnosti u vezi s podnošenjem amandmana, počevši od prijema amandmana, usaglašavanja između podnosilaca te usvajanje zakona u identičnom tekstu.

2. Međunarodni sporazumi

Komisija je razmatrala i predložila Domu naroda da ratificira sljedeće međunarodne sporazume, ugovore i konvencije (ukupno 104):

1. Sporazum o saradnji u oblasti turizma između Vijeća ministara Bosne i Hercegovine i Hašemitske Kraljevine Jordan
2. Sporazum o zračnom saobraćaju između Vijeća ministara Bosne i Hercegovine i Vijeća ministara Ukrajine
3. Evropski ugovor o glavnim unutrašnjim plovnim putevima od međunarodnog značaja (AGN)
4. Akte XXIII. Kongresa Svjetskog poštanskog saveza, Bukurešt 2004.
5. Protokol između Vijeća ministara BiH i Vlade Republike Mađarske u vezi sa sukcesijom bilateralnih međunarodnih ugovora zaključenih između Federativne Narodne Republike Jugoslavije/Socijalističke Federativne Republike Jugoslavije i Narodne Republike Mađarske
6. Nota sporazum između Bosne i Hercegovine i Kraljevine Norveške o reviziji sukcesije bilateralnih sporazuma zaključenih između bivše SFRJ i Kraljevine Norveške
7. Sporazum o kulturnoj saradnji između Vijeća ministara BiH i Vlade Narodne Republike Kine
8. Evropsku konvenciju o zaštiti arheološke baštine (revidirana) iz 1992. godine
9. Konvenciju o zaštiti podvodne kulturne baštine, Pariz, 2. novembra 2001.

10. Okvirnu konvenciju Vijeća Evrope o vrijednosti kulturne baštine za društvo, Faro, 27. oktobra 2005.
11. Međunarodnu konvenciju protiv dopinga u sportu, Pariz, 19. oktobra 2005.
12. Sporazum o grantu Globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za realizaciju sredstava Globalnog fonda za okoliš – Projekat upravljanja Neretvom i Trebišnjicom
13. Sporazum između Bosne i Hercegovine i Švicarske o olakšicama prilikom izdavanja viza
14. Sporazum između Bosne i Hercegovine i Švicarske o readmisiji lica koja borave bez dozvole
15. Sporazum o zaštiti tajnih podataka između Vlade Slovačke Republike i Vijeća ministara BiH
16. Sporazum između Vijeća ministara BiH i Vlade Republike Crne Gore o vraćanju i prihvatanju lica čiji je ulazak ili boravak nezakonit i Protokol između Ministarstva sigurnosti BiH i Ministarstva unutrašnjih poslova i javne uprave Republike Crne Gore o provođenju Sporazuma između Vijeća ministara BiH i Vlade Republike Crne Gore o vraćanju i prihvaćanju lica čiji je ulazak ili boravak nezakonit
17. Okvirnu konvenciju Svjetske zdravstvene organizacije o kontroli duhana
18. Memorandum o razumijevanju između Bosne i Hercegovine i Evropske zajednice o pridruživanju Bosne i Hercegovine Sedmom okvirnom programu Evropske zajednice za istraživanje, tehnološki razvoj i ogledne aktivnosti
19. Sporazum između Vijeća ministara BiH i Vlade Republike Crne Gore o saradnji u oblasti kulture
20. Sporazum o zajmu između Bosne i Hercegovine i Evropske banke za obnovu i razvoj – Projekat Koridor Vc
21. Izmjene Sporazuma između Vijeća ministara BiH, koje zastupa Ministarstvo finansija i trezora BiH, i Vlade Republike Austrije, koju zastupa savezni ministar finansija, o finansijskoj saradnji
22. Sporazum o grantu Globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za realizaciju sredstava Globalnog fonda za okoliš – Projekat šumskih i planinskih područja
23. Ugovor o finansiranju između Bosne i Hercegovine i Evropske investicione banke - Projekat Koridor Vc - Prva faza – Sjever
24. Sporazum o finansiranju između Bosne i Hercegovine i Komisije Evropskih zajednica o programu finansiranja učešća u ERDF-ovom Evropskom programu međunarodne teritorijalne saradnje „Prostor jugoistočne Evrope“ na osnovu Instrumenta pretpriprustupne pomoći (IPA), komponenta prekogranične saradnje za 2007. godinu
25. Bilateralni sporazum u oblasti obrazovanja između Vijeća ministara Bosne i Hercegovine i Vlade Crne Gore
26. Memorandum o razumijevanju o budućnosti zdravstvene mreže u Jugoistočnoj Evropi u okviru Procesu regionalne saradnje u Jugoistočnoj Evropi
27. Deklaraciju o dugoročnom programu regionalne saradnje i razvoja u oblasti mentalnog zdravlja u zemljama jugoistočne Evrope
28. Sporazum o preferencijalnoj trgovini između Bosne i Hercegovine i Islamske Republike Iran
29. Sporazum o privrednoj saradnji između Vijeća ministara BiH i Vlade Republike Slovenije

30. Sporazum između Vijeća ministara BiH i Vlade Republike Albanije o međunarodnom drumskom prijevozu putnika i tereta
31. Sporazum o vojnom grantu između Vijeća ministara BiH i Vlade Republike Turske
32. Sporazum o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Crne Gore za 2007. godinu na osnovu Instrumenta pretpristupne pomoći, komponenta II – Prekogranična saradnja
33. Aranžmane između Vijeća ministara BiH i Vlade Republike Koreje u vezi sa zajmom iz sredstava Fonda za unapređenje ekonomske saradnje
34. Sporazum o zajmu između Vijeća ministara BiH, Vlade Federacije BiH i Vlade Republike Srpske i Izvozno-uvozne banke Koreje (Vladina agencija za EDCF) - Projekat modernizacije bolnica u Bosni i Hercegovini – Faza II
35. Sporazum o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – Finansiranje sistema otpadnih voda u općini Široki Brijeg
36. Sporazum o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – Finansiranje sistema vodosnabdijevanja u općini Ljubuški
37. Sporazum o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – Finansiranje sistema otpadnih voda u općini Fojnica
38. Sporazum o naučno-tehničkoj saradnji između Vijeća ministara BiH i Vlade Crne Gore
39. Sporazum između Vijeća ministara BiH i Vlade Republike Bugarske o međunarodnom drumskom prijevozu putnika i roba
40. Ugovor o autorskom pravu Svjetske organizacije za intelektualno vlasništvo, 20. decembar 1996.
41. Ugovor o izvedbama i fonogramima Svjetske organizacije za intelektualno vlasništvo, 20. decembar 1996.
42. Sporazum između Kraljevine Belgije i Republike Albanije, Bosne i Hercegovine, Republike Hrvatske, Bivše Jugoslovenske Republike Makedonije, Republike Moldavije, Crne Gore, Republike Srbije i Misije za privremenu upravu Ujedinjenih naroda na Kosovu, u ime Kosova, u skladu s Rezolucijom Vijeća sigurnosti Ujedinjenih naroda 1244 o privilegijama i imunitetima Sekretarijata Sporazuma o slobodnoj trgovini u centralnoj Evropi
43. Protokol protiv nezakonite proizvodnje i trgovine vatrenim oružjem, njegovim dijelovima, komponentama i municijom, kojim se dopunjava Konvencija Ujedinjenih naroda protiv transnacionalnog organiziranog kriminala
44. Protokol između Ministarstva sigurnosti BiH i Ministarstva unutrašnjih poslova i javne uprave Crne Gore o provođenju zajedničkih patrola uz zajedničku državnu granicu
45. Sporazum između Vijeća ministara BiH i Vijeća ministara Republike Albanije o raedmisiji lica koja ilegalno borave
46. Prvi amandman na Sporazum o zajmu potpisan 25. jula 2002. između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – Finansiranje sistema vodosnabdijevanja u općini Olovo

47. Sporazum o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Österreich Aktiengesellschaft – Razvoj sistema vodosnabdijevanja u općini Livno
48. Aneks II. Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u Bosni i Hercegovini
49. Međunarodni zdravstveni propisi (2005.)
50. Sporazum o ekonomskoj saradnji između Vijeća ministara BiH i Vlade Republike Srbije
51. Amandman na Konvenciju o osnivanju Vijeća za carinsku saradnju
52. Evropsku konvenciju o obavještenjima o stranom pravu (London, 7. juni 1968.) s Dodatnim protokolom (Strasbourg, 15. mart 1978.)
53. Dodatni protokol uz Krivičnopravnu konvenciju protiv korupcije (ETS 191), Strasbourg, 15. maj 2003.
54. Sporazum između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala
55. Protokol između Ministarstva sigurnosti BiH i Ministarstva unutrašnjih poslova Republike Srbije o održavanju redovnih sastanaka predstavnika graničnih policija na državnom, regionalnom i lokalnom nivou
56. Protokol između Ministarstva sigurnosti BiH i Ministarstva unutrašnjih poslova Republike Srbije o provođenju zajedničkih patrola uz zajedničku državnu granicu
57. Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima
58. Sporazum između Vijeća ministara BiH i Vlade Države Izrael o ukidanju viza za nosioce diplomatskih i službenih pasoša
59. Sporazum između Vijeća ministara BiH i Vijeća ministara Republike Albanije o uzajamnim putovanjima državljana
60. Sporazum između Vijeća ministara BiH i Vlade Savezne Republike Njemačke o finansijskoj saradnji u 2006. godini
61. Zasebni aranžman između KfW, Frankfurt na Majni, i Bosne i Hercegovine, koju zastupa Ministarstvo finansija i trezora BiH, kao i Federacije Bosne i Hercegovine, koju zastupa Federalno ministarstvo finansija, i Republike Srpske, koju zastupa Ministarstvo finansija, za zamjenu duga 2
62. Konvencija o zaštiti i korištenju prekograničnog vodotoka i međunarodnih jezera, Helsinki, 17. mart 1992.
63. Dodatak na Memorandum o razumijevanju između Vijeća ministara BiH i Vlade Kraljevine Holandije o Programu za saradnju s tržištima u nastajanju (PSOM)
64. Konvenciju o klauzulama o radu (javni ugovori), broj: 94 iz 1949. godine, i Preporuku o klauzulama o radu (javni ugovori), broj: 84 iz 1949. godine, Međunarodne organizacije rada
65. Konvenciju o radu na nepuno radno vrijeme, broj: 175 iz 1994. godine, i Preporuku o radu na nepuno radno vrijeme, broj: 182 iz 1994. godine, Međunarodne organizacije rada
66. Konvenciju o sigurnosti i zdravlju u rudnicima, broj: 176 iz 1995. godine, i Preporuku o sigurnosti i zdravlju u rudnicima, broj: 183 iz 1995. godine, Međunarodne organizacije rada
67. Konvenciju o radu kod kuće, broj: 177 iz 1996. godine, i Preporuku o radu kod kuće, broj: 184 iz 1996. godine, Međunarodne organizacije rada

68. Konvenciju o privatnim agencijama za zapošljavanje, broj: 181 iz 1997. godine, i Preporuku o privatnim agencijama za zapošljavanje, broj: 188 iz 1997. godine, Međunarodne organizacije rada
69. Konvenciju o zaštiti materinstva, broj: 183 iz 2000. godine, i Preporuku o zaštiti materinstva, broj: 191 iz 2000. godine, Međunarodne organizacije rada
70. Konvenciju o sigurnosti i zdravlju u poljoprivredi, broj: 184 iz 2001. godine, i Preporuku o sigurnosti i zdravlju u poljoprivredi, broj: 192 iz 2001. godine, Međunarodne organizacije rada
71. Konvenciju Međunarodne organizacije rada o identifikacionim dokumentima pomoraca (revidirana), broj: 185 iz 2003. godine
72. Konvenciju o radu u ribolovu, broj: 188 iz 2007. godine, i Preporuku o radu u ribolovu, broj: 199 iz 2007. godine
73. Konvenciju Međunarodne organizacije rada o radu na moru (MLC) iz 2006. godine
74. Dodatni protokol uz Evropsku konvenciju o uzajamnoj pomoći u krivičnim stvarima (ETS No. 99), Strasbourg, 17. mart 1978.
75. Sporazum o uspostavljanju Regionalne škole za javnu upravu (ReSPA)
76. Konvenciju o procjeni okolišnih uticaja u prekograničnom kontekstu, Espoo, Finska, 25. februar 1991.
77. Konvenciju o sprečavanju većih industrijskih nezgoda, broj: 174 iz 1993. godine, i Preporuku o sprečavanju većih industrijskih nezgoda, broj: 181 iz 1993. godine, Međunarodne organizacije rada
78. Preporuku Međunarodne organizacije rada o razvoju ljudskih resursa, obrazovanju, osposobljavanju i stalnom usavršavanju, broj: 195 iz 2004. godine
79. Preporuku Međunarodne organizacije rada koja se odnosi na listu profesionalnih oboljenja, broj: 194 iz 2002. godine
80. Preporuku Međunarodne organizacije rada o otvaranju radnih mjesta u malim i srednjim preduzećima, broj: 189 iz 1998. godine
81. Preporuku Međunarodne organizacije rada o promoviranju zadruga, broj: 193 iz 2002. godine
82. Preporuku Međunarodne organizacije rada koja se tiče radnog odnosa, broj: 198 iz 2006. god.
83. Sporazum o privilegijama i imunitetima Međunarodne agencije za atomsku energiju
84. Protokol o izmjeni i dopuni Ugovora o slobodnoj trgovini između Bosne i Hercegovine i Republike Turske
85. Protokol između Bosne i Hercegovine i Češke Republike o amandmanima na Sporazum između Bosne i Hercegovine i Češke Republike o unapređenju i zaštiti ulaganja
86. Protokol o sprečavanju zagađenja voda prouzrokovanog plovidbom, uz Okvirni sporazum za sliv rijeke Save
87. Sporazum između Vijeća ministara BiH i Vlade Savezne Republike Njemačke o finansijskoj saradnji u 2007. godini
88. Sporazum o finansiranju između Bosne i Hercegovine i Komisije Evropskih zajednica o programu finansiranja učešća Bosne i Hercegovine u ERDF-ovim evropskim programima međunarodne teritorijalne saradnje "Jugoistočna Evropa" i "Mediteran" na osnovu Instrumenta pretpristupne pomoći (IPA), komponenta prekogranične saradnje za 2008. godinu

89. Sporazum o finansiranju između Bosne i Hercegovine i Međunarodne asocijacije za razvoj (IDA) - Drugi projekat upravljanja čvrstim otpadom
90. Sporazum o zajmu između Bosne i Hercegovine i Međunarodne banke za obnovu i razvoj - Drugi projekat upravljanja čvrstim otpadom
91. Deklaracija o jačanju nacionalnih i regionalnih kapaciteta za pripravnost i reakciju na epidemiju i za provođenje Međunarodnih zdravstvenih propisa (2005.)
92. Konvenciju o promotivnom okviru sigurnosti i zdravlja na radu, broj: 187 iz 2006. godine, i Preporuku u vezi s promotivnim okvirom profesionalne sigurnosti i zdravlja na radu, broj: 197 iz 2006. godine, Međunarodne organizacije rada
93. Amandman na Konvenciju Međunarodne agencije za atomsku energiju o fizičkoj zaštiti nuklearnog materijala
94. Kodeks Međunarodne agencije za atomsku energiju o postupanju po pitanju sigurnosti i zaštite radioaktivnih izvora
95. Konvenciju Međunarodne agencije za atomsku energiju o nuklearnoj sigurnosti, Beč, 17. juna 1994.
96. Sporazum o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu
97. Sporazum o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu
98. Sporazum o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Crne Gore na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu
99. Kreditni sporazum između Saudijskog fonda za razvoj i Bosne i Hercegovine - Projekat završetka i opremanja četiri bolnice
100. Sporazum između Vijeća ministara BiH i Vlade Kraljevine Danske o razvojnoj saradnji
101. Sporazum o finansiranju između Bosne i Hercegovine i Komisije Evropskih zajednica u pogledu "Jadranskog prekograničnog programa saradnje u okviru IPA-e"
102. Konvenciju Ujedinjenih naroda o pravima lica s invaliditetom i Opcionalni protokol
103. Konvenciju o privremenom uvozu - ATA Carnet, Istanbul, 26.6.1990.
104. Štokholmska konvencija o postojanim organskim zagađivačima, Štokholm, 22.5.2001.

3. Komisija je na sjednicama razmatrala i sljedeće materijale iz svoje nadležnosti:

3. Izvještaji o radu

Komisija je razmatrala izvještaje o radu, kao i druge izvještaje o aktivnostima institucija čija je djelatnost u nadležnosti Komisije i za koje je predviđeno dostavljanje izvještaja o radu Parlamentarnoj skupštini BiH:

1. Izvještaj o radu i poslovanju Radio-televizije Bosne i Hercegovine u 2007. godini;
2. Izvještaj Vijeća ministara BiH o aktivnostima na projektu „Autoput na Koridoru Vc“ i Plan narednih aktivnosti
3. Izvještaj Ministarstva vanjske trgovine i ekonomskih odnosa BiH o realizaciji Akcionog plana za provođenje programa mjera u okviru Sporazuma CEFTA s Analizom vanjskotrgovinske razmjene BiH za 2008.
4. Izvještaj o radu Vijeća ministara za 2008.
5. Izvještaj o radu Državne regulatorne komisije za električnu energiju u 2008.
6. Izvještaj o radu i finansijski izvještaj Agencije za poštanski saobraćaj BiH za 2008.
7. Izvještaj o radu Upravnog odbora Izvozno-kreditne agencije BiH za 2008.
8. Izvještaj o radu Upravnog odbora RTV BiH za 2007. i 2008. i Izvještaja o radu RTV BiH za 2008.
9. Izvještaj Ministarstva vanjske trgovine i ekonomskih odnosa BiH iz oblasti poljoprivrede za Bosnu i Hercegovinu za 2008.

Za sve izvještaje Komisija je Domu naroda uputila odgovarajuća mišljenja, kao i prijedloge zaključaka u kojima su sadržani prijedlozi za preduzimanje neophodnih konkretnih mjera.

3.2. Imenovanja

U izvještajnom periodu Komisija je razmatrala i dva prijedloga za imenovanja, u slučajevima kada je Parlamentarna skupština BiH nadležna za imenovanja:

1. Rang-lista kandidata za člana Upravnog odbora Javnog radiotelevizijskog servisa BiH iz srpskog naroda;
2. Prijedlog Vijeća ministara BiH za imenovanje Mirsada Salkića za člana Državne regulatorne komisije za električnu energiju iz Federacije BiH.

Komisija je razmatrala dostavljene prijedloge i utvrdila te Domu naroda dostavila mišljenja u vezi s tim.

3.3. Izvještaji i informacije Ministarstva vanjskih poslova BiH

S obzirom na svoju nadležnost i u oblasti vanjskih poslova, Komisija na svojim sjednicama redovno razmatra informacije i izvještaje koje Ministarstvo vanjskih poslova BiH dostavlja Parlamentarnoj skupštini BiH. U izvještajnom periodu Komisija je razmatrala ukupno 63 informacije i dopisa Ministarstva vanjskih poslova BiH. Prilikom Sjednicama Komisije na kojima su razmatrane ove informacije prisustvovali su predstavnici Ministarstva vanjskih poslova i dodatno ih obrazlagali, u zavisnosti od interesovanja članova Komisije.

Sve informacije su primljene k znanju, a u dva slučaja su upućeni i prijedlozi Kolegiju Doma naroda.

3.4. Izvještaji o međunarodnim aktivnostima

U okviru svoje nadležnosti, a na osnovu odredbi Pravilnika o međunarodnim aktivnostima Parlamentarne skupštine Bosne i Hercegovine, na sjednicama Komisije u navedenom periodu razmatrano je ukupno 40 izvještaja sa službenih putovanja parlamentarnih komisija i delegacija. Sve navedene izvještaje Komisija je primila k znanju.

3.5. Ostali izvještaji i informacije

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdajavamo samo najznačajnije:

1. Aktuelna situacija u Radio-televiziji Bosne i Hercegovine (Dopisi Kolegija Doma naroda Parlamentarne skupštine BiH, broj: 02-50-1-24-19-1/08, od 24.9.2008. i 02-50-1-24-5/08, od 29.10.2008., dopisi predsjedavajućeg Upravnog odbora BHRT-a, prijemni broj: 01-50-3-1073/08, od 22.9.2008, dopis člana Upravnog odbora BHRT Ahmeda Žilića, prijemni broj: 01/5-50-3-1073-1/08, od 23.9.2008.)
2. Izvještaj o aktivnostima Stalne delegacije Parlamentarne skupštine BiH u Parlamentarnoj skupštini Vijeća Evrope u 2008.
3. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2008.
4. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2009.
5. Plan rada Koordinacionog tima za vođenje kampanje za nestalno članstvo BiH u Vijeću sigurnosti UN za 2010.-2011.
6. Okvirni plan međunarodnih aktivnosti PSBiH za 2009. godinu, s kriterijima o načinu njegovog provođenja

7. Razmatranje dopisa Ministarstva vanjskih poslova BiH „Mapa puta za liberalizaciju viznog režima za građane Bosne i Hercegovine – obaveze koje hitno treba ispuniti“, na osnovu zaduženja Kolegija Doma naroda (dopis broj: 02-50-1-24-27-4/09, od 13.5.2009.)
8. Informacija Ministarstva vanjskih poslova BiH o stanju i razvoju DKP mreže Bosne i Hercegovine (Dopis Ministarstva vanjskih poslova, broj: 10/1-1-2-05-5992-3/09, od 11.6.2009.)
9. Dopuna Informacije o stanju i razvoju DKP-e mreže Bosne i Hercegovine (dopis Ministarstva vanjskih poslova BiH, prijemni broj: 01,02-50-3-754-1/09, od 22.7.2009.).

Nakon razmatranja na sjednicama Komisije, pripremljeni su i Kolegiju Doma naroda odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

4. Ostale aktivnosti Komisije

U toku 2009. godine, osim redovnih sjednica Komisije, održano je i šest sastanka na kojima su učestvovali i članovi Komisije za vanjsku i trgovinsku politiku, carine, saobraćaj i komunikacije Doma naroda:

- Sastanak Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH s novoimenovanim ambasadorima BiH: Mitar Kujundžić, novoimenovani ambasador BiH u Vašingtonu, Nikola Đukić, novoimenovani ambasador BiH u Budimpešti, Vladimir Raspudić, novoimenovani ambasador BiH u Zagrebu, Sifet Podžić, novoimenovani ambasador BiH u Sofiji, i Jugoslav Brdar, novoimenovani generalni konzul BiH u Milanu, održan 28.1.2009.;
- Zajednički sastanak Komisije za vanjske poslove Predstavničkog doma Parlamentarne skupštine BiH i Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH s novoimenovanim generalnim konzulom u Minhenu, Njemačka, gosp. Veljkom Obrenovićem, održan 24.7.2009.;
- Zajednički sastanak Komisije za vanjsku i trgovinsku politiku, carine, saobraćaj i komunikacije Doma naroda i Komisije za vanjske poslove Predstavničkog doma s novoimenovanim šefovima diplomatsko-konzularnih predstavništava BiH: Biljana Gutić Bjelica, ambasador u Kanadi, Kobiljka Špirić, ambasador u Poljskoj, Amel Kovačević, ambasador u Kini, Emir Hadžikadunić, ambasador u Iranu, Boro Bronza, ambasador u Grčkoj, i Armin Limo, ambasador u Pakistanu, održan 27.10.2009.;
- Zajednički sastanak Komisije za vanjsku i trgovinsku politiku, carine, saobraćaj i komunikacije Doma naroda i Komisije za vanjsku trgovinu i carine Predstavničkog doma s delegacijom Grupe prijateljstva Parlamenta Islamske Republike Iran, održan 6.10.2009.;
- Parlamentarni seminar o temi “Slobodna trgovina i regionalno unutrašnje tržište”, Zagreb, 26. i 27.10.2009. godine;
- Sastanak o zaštiti i unapređenju domaće proizvodnje, u organizaciji Ministarstva vanjske trgovine i ekonomskih odnosa BiH, Sarajevo, 24.11.2009.

III. ZAKLJUČAK

Može se konstatirati da je rad Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2009. godini bio uspješan. Rad Komisije je u najvećoj mjeri zavisio od dostavljenih materijala od Vijeća ministara BiH odnosno Predsjedništva BiH. Svi materijali iz nadležnosti Komisije pravovremeno su razmatrani, a svi izvještaji, mišljenja i drugi akti pravovremeno su dostavljani predsjedavajućem odnosno Kolegiju Doma naroda na daljnji postupak. Prisustvo sjednicama bilo je na zadovoljavajućem nivou, te nijedna sjednica nije otkazana ili odgođena zbog nedostatka kvoruma. Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije. Svojim uspješnim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH značajno je doprinijela uspješnom radu Doma naroda.

Predsjedavajuća Komisije
za vanjsku i trgovinsku politiku
carine, saobraćaj i komunikacije
Alma Čolo

Prilog:

- *Tabelarni prikaz prisustva sjednicama*

**TABELARNI PRIKAZ DATUMA ODRŽAVANJA SJEDNICA
KOMISIJE ZA VANJSKU I TRGOVINSKU POLITIKU,
CARINE, SAOBRAĆAJ I KOMUNIKACIJE, S PRIKAZOM PRISUSTVA SJEDNICAMA
(za period od 1.1. do 31.12.2009.)**

	Alma Čolo	Rudo Vidović/ Božo Ljubić*	Dušanka Majkić	Adem Ibrahimpasić	Branko Zrno	Slobodan Šaraba	Ukupno
21. sjednica 22.01.	+	-	+	+	+	+	5
22. sjednica 09.02.	+	+	+	+	-	+	5
23. sjednica 18.02.	+	+	+	+	-	+	5
24. sjednica 25.03.	+	+	+	+	+	+	6
25. sjednica 15.04.	+	+	+	+	+	+	6
26. sjednica 18.05.	+	+	-	+	+	+	5
27. sjednica 11.06.	+	+	+	+	-	+	5
28. sjednica 09.07.	+		+	+	-	+	4
29. sjednica 22.07.	+		+	+	-	+	4
30. sjednica 24.07.	+		+	+	+	+	5
31. sjednica 09.09.	+	-	+	+	+	+	5
32. sjednica 24.09.	+	+	-	+	-	+	4
33. sjednica 13.10.	+	+	-	+	-	+	4
34. sjednica 10.11.	+	-	+	+	-	+	4
35. sjednica 09.12.	-	+	+	+	+	+	5
36. sjednica 22.12.	+	-	+	+	-	+	4
Ukupno	15/16	9/13	13/16	16/16	7/16	16/16	76/93
%	94	70	81	100	44	100	82

*Rudi Vidoviću prestao je mandat delegata u Domu naroda 24.6.2009., a time mu je prestalo i članstvo u Komisiji.
Članstvo Bože Ljubića u Komisiji postalo je efektivno od 31. sjednice.